



CHIESA EVANGELICA RIFORMATA
GRIGIONESE
BASELZIA EVANGELICA REFORMADA
DAL GRISCHUN
EVANGELISCH-REFORMIERTE
LANDESKIRCHE GRAUBÜNDEN
LOËSTRASSE 60, 7000 CHUR
TEL. 081 - 257 11 00, FAX 081 - 257 11 01
E-MAIL landeskirche@gr-ref.ch
www.graubuenden-reformiert.ch

Publicaziun nr. 665

Atun 2013

Il Cussegl da la Baselgia evangelica preschenta a las suprastanzas da las raspadas ed als colloquis las suandantas tractandas ed infurmaziuns per tractar quellas, respectivamain per orientaziun.

Cuntegn

| | |
|---|----------|
| I. Consultaziun | 4 |
| 1. Tractandas | 4 |
| II. Comunicaziuns/enquistas dal Cussegl da baselgia | 4 |
| 2. Diever e basegn futur da baselgias, chasas da pravenda ed auters stabiliments ecclesiastics en ils colloquis | 4 |
| III. Rapports colloquials | 6 |
| 3. Occurrenzas colloquialas | 6 |
| 4. Instrucziun da religiun 2013/2014 | 6 |
| 5. Visitaziuns d'archivs | 7 |
| 6. Rapports dals (da las) preditgant(a)s laic(a)s | 7 |
| 7. Moziuns, intimaziuns e propostas | 8 |
| IV. Diversas infurmaziuns | 9 |
| 8. Remplazzaments per servetschs pastorals | 9 |
| 9. Resumaziun dals resultats dals colloquis da primavaira | 10 |
| 10. Proceder cur ch'i vegn tschertgà in(a) reverenda | 11 |
| 11. Giubileums | 14 |
| 12. Spediziun dals protocols colloquials | 14 |
| 13. Colloquis d'atun 2013 | 15 |
| 14. Sessiuns dal Cussegl grond evangelic 2013/2014 | 16 |

| | |
|---|----|
| 15. Sesidas dal Cussegl da baselgia 2013/2014 | 16 |
| 16. Termins dals colloquis da primavera 2014 | 16 |

I. Consultaziun

1. Tractandas

I na dat naginas tractandas.

II. Communicaziuns/enquistas dal Cussegl da baselgia

2. Diever e basegn futur da baselgias, chasas da pravenda ed auters stabiliments ecclesiastics en ils colloquis

Mintg'onn conceda il Cussegl da baselgia subvenziuns da CHF 1 – 1,5 milliuns per renovaziuns da stabiliments ecclesiastics en il Grischun. Per regla ha il Cussegl da baselgia enfin ussa stuì decider a curta vista davart quellas subvenziuns, perquai ch'ils projects na vegnivan betg planisads en las regions.

Per pudair en avegnir planisar las mesiras e pussibilitar vinavant las subvenziuns en il rom da fin qua, duain ils colloquis far in concept davart il diever e basegn futur da baselgias, chasas da pravenda ed auters stabiliments. Quai dat al Cussegl da baselgia la pussibilità da pudair decider en avegnir tenor in plan davart subvenziuns a renovaziuns.

Sper l'inventar dals stabiliments e dals funs existents en la regiun dal colloqui, duai il concept cumpigliar ina glista da

prioritads davart ils basegns da renovaziun dals edificis existents. En pli duai vegnir notà, quant ch'in edifizis vegn duvrà (p.ex.: Cura vegn fatg diever d'in stabiliment surtut? Vegn ina baselgia duvrada be la stad? Vegn ina baselgia savens duvrada per occurrenz spezialas? Datti edificis che en il proxim avegnir na vegnan betg pli duvrads?)

Tar l'elavuraziun dal concept en ils colloquis èsi da resguardar ils criteris suandants:

- *Inventar* (baselgias, chasas da pravenda, centers da la raspada, ulteriurs edificis, funs)
- *Strategia da diever dals edificis der* (diever l'entir onn; diever be la stad u l'enviern; savens diever per occurrenz spezialas; en la chasa da pravenda stat il reverenda / stat insatgi auter)
- *Glista da prioritads* davart la necessitad da renovaziun dals edificis en il colloqui



Il president colloquial survegnan enfin la mitad d'avust in questunari en furma d'ina tabella d'Excel. Il colloquis vegnan supplitgads, d'emplenir questa tabella davart il diever e basegn futur da baselgias, chasas da pravenda ed auters stabiliments ecclesiastics en lur regiun. Quel èsi da suttametter al Cussegl da baselgia enfin ils 30 da matg 2014.

III. Rapports colloquials

3. Occurrenzas colloquialas

Il Cussegl da baselgia spetga il rapport davart las occurrenzas colloquialas dapi il colloqui d'atun 2012 sco conferenzas pastoralas, retratgas, occurrenzas a favur da la scolaziun da perfecziunament, festas circuitalas ed uschia vinavant. En la proxima publicaziun da primavaira vegnan questas indicaziuns publicadas.



Sin giavisch dal colloqui III supplitgescha il Cussegl da baselgia tut ils colloquis, da numnar tar las conferenzas pastoralas er las tematicas. Be ina glista dals termins na fa betg senn. Ils rapports servan ad auters colloquis sco bursa d'ideas. Perquai gidan indicaziuns precisas davart referentAs e tematicas tractadas.

4. Instrucziun da religiun 2013/2014

Il Cussegl da baselgia dumonda er per quest onn da scola las datas per l'instrucziun da religiun entras il post da l'instrucziun da religiun.

Tar problems areguard l'instrucziun da religiun en l'onn da scola 2013/14 pon las plaivs sa volver a la manadra dal post da l'instrucziun da religiun.

Fachstelle Religionsunterricht

Pfrn. Ursula Schubert-Süsstrunk

Welschdörfli 2, 7000 Chur

Tel. 081 252 62 39, ursula.schubert@gr-ref.ch

5. Visitaziuns d'archivs

Tar mintga midada en la pravenda èsi da far ina visitaziun d'archivs extraordinaria da la part da la pravenda da l'archiv. Dapi l'atun 1991 vegn quella fatga d'in commember da la cumissiun d'archivs da la baselgia chantunala. Il Cussegl da baselgia supplitgescha las supstanzas dals colloquis dad esser attentas ch'il president da la cumissiun d'archivs, rev. Kurt Bosshard, Loëstrasse 60, 7000 Chur (tel. 081 257 11 00, e-mail: kurt.bosshard@gr-ref.ch) vegnia infurmà, avant che in u ina reverenda u provisor(a) fa midada. Quel infurmescha il visitatur responsabel.

6. Rapports dals (da las) preditgant(a)s laic(a)s

Ils preditgants laics / las preditgantas laicas scrivan per mauns dal colloqui responsabel in rapport davart lur activitads durant l'onn 2012/2013, quai tenor art. 13 cif. 6 dal "Reglament davart la legitimaziun per servetschs pastorals en il Grischun" (910).

Il Cussegl da baselgia spetga quests rapports ensemen cun il protocol colloquial per invista. Sch'in(a) preditgant(a) laic(a) vul sa retrair dal servetsch, basti da notar quai en il protocol.

Proxima dieta per preditgant(a)s laic(a)s: sonda, ils 26 d'october 2013.

7. Moziuns, intimaziuns e propostas

Il colloqui po tenor art. 21 cif. 3 da la constituziun da la Baselia evangelica reformada dal Grischun surdar moziuns, intimaziuns e propostas al Cussegl da baselia.

I sto esser evident, sch'i sa tracta d'ina moziun, d'ina intimaziun u d'ina proposta. I sto er esser evident en il protocol colloquial, sch'i sa tracta d'ina moziun, intimaziun u proposta d'in colloqui entir (tenor art. 21 da l'urden da gestiun dal Cussegl da baselia), u d'ina moziun, intimaziun u proposta d'ina persona singula (tenor art. 23 dal medem urden). Tar tut las moziuns, intimaziuns u propostas d'in colloqui sto vegnir nudà il resultat precis da las votaziuns.

Sch'il Cussegl da baselia accepta moziuns, vegnan quellas suttamessas als colloquis ed a la sinoda per la consultaziun. Suentar vegnan questas tractadas definitivamain dal Cussegl grond evangelic. Moziuns acceptadas han per consequenza ina midada da la lescha. Sch'il Cussegl da baselia refusa moziuns, motivescha el quai en il rapport uffizial.

Sch'il Cussegl da baselia accepta intimaziuns e propostas, ha el la pussibilità da vegnir sez activ en il senn da quellas. Sch'il Cussegl da baselia refusa intimaziuns e propostas, motivescha el quai en il rapport uffizial.

IV. Diversas infurmaziuns

8. Remplazzaments per servetschs pastorals

Tgi che tschertga remplazzaments per servetschs pastorals chatta indicaziuns areguard remplazzants pussibels sin duas glistas che vegnan manadas dal secretariat dal Cussegl da baselgia.

- La glista generala dals remplazzants, resp. remplazzantas chattais Vus sin la website da la baselgia chantunala: www.gr-ref.ch/stellvertretungen.
- Il secretariat maina er ina glista da remplazzants resp. remplazzantas che stattan a disposiziun ad ina tscherta data. Tgi che dovra in remplazzament a curta vista, po far diever da questa glista supplementara en il secretariat dal Cussegl da baselgia.

Il Cussegl da baselgia dat als sinodals ed ad autras personas legitimadas al servetsch pastoral la pussibilità da s'inscriver en questas glistas en il secretariat dal Cussegl da baselgia.

- Tgi che vul s'inscriver u sa laschar stritgar sin la glista generala, s'annunzia p.pl. per mail tar il secretariat da la baselgia chantunala (claudia.lippuner@gr-ref.ch).
- Tgi che vul s'inscriver en la segunda glista (dependenta da la data), trametta il formular correspondent al secretariat dal Cussegl da baselgia. Il formular actual chattan ins sin la website da la baselgia chantunala: www.gr-ref.ch/stellvertretungen «Stellvertretungen Meldeformular.pdf»

9. Resumaziun dals resultats dals colloquis da primavaira

Per infurmar tut ils colloquials datti qua ina resumaziun da las discussiuns e decisiuns davart la tractanda dal colloqui da primavaira.

Urden davart il perfecziunament dals/da las collavuratur(a)s ecclesiastic(a)s (951); revisiun totala

Tut ils colloquis èn entrads en il sboz ed al han approvà cun in pèr cumplettaziuns e propostas per midaments.

Tranter auter èn vegnids proponids ils sequents midaments resp. cumplettaziuns:

Tar *art. 5 cifra 1* pretenda in colloqui la reducziun sin 5 dis da furmaziun l'onn, in auter pretenda in schlargiament sin 15 dis.

Art. 5 cifra 2 èsi da stritgar.

En *art. 6 cifra 2* duai vegnir aggiunt, ch'il dretg sin furmaziun cumulà crodia davent be, sch'il lavurant desdi la piazza.

Art. 8 cifra 3 èsi da stritgar, perquai ch'il trenament d'instrucziun saja ina furmaziun extraordinaria.

En *art. 10 cifra 1* èsi da stritgar las indicaziuns procentualas. Il sabbatical duai er en avegnir durar 12 resp. 13 emnas. Ed i sto esser pussibel da cumular il sabbatical cun l'ulteriur temp da furmaziun, per pudair s'inscriver en in semester da teologia da stad.

En *art. 13 e 14* duai restar l'impegn da lavurar vinavant en la baselgia chantunala, dentant betg tar il patrun en fin qua. In colloqui pretenda da stritgar art. 13 ed art. 14.

En *art. 17 e 18 cifra 1* sto la formulaziun "po" vegnir remplazzada cun la formulaziun "sto".

En *art. 20* sto vegnir aggiunt che raspadas en l'egualisaziun integreschan ils custs da remplazzament en lur quint annual, e che raspadas independentas survegnan da la baselgia chantunala ina contribuziun vi da la furmaziun.

10. Proceder cur ch'i vegn tschertgà in(a) reverenda

Sch'i vegn tschertgà in(a) nov(a) reverenda, recumandain nus il proceder sco segua:

1. La suprastanza da la raspada infurmescha l'actuar dal Cussegl da baselgia, ch'in(a) reverenda ha dà la demissiun. Il Cussegl da baselgia fixescha a maun dals commembers actuals ed ils criteris dal "quadern verd" (classificaziun da las plaivs) da nov il pertschient da la piazza e communitgescha quai a la suprastanza da la raspada.
2. La suprastanza da la raspada decida, sch'ella vul tschertgar sezza in reverenda u sch'ella vul installar ina cumissiun per quai. La cumissiun per eleger in reverenda vegn per regla tschernida da la radunanza generala.

3. Suprastanzas e cumissiuns per eleger in reverenda vegnan supplitgadas da prender si contact cun il Cussegl da baselgia, avant che cumenzar a tschertgar in reverenda. Persunas da contact èn il decan, il commember dal Cussegl da baselgia cun il departament “Structuras e dumondas da dretg” ed il actuar dal Cussegl da baselgia. Igl è er d’avantatg da sclerir cun il colloqui, sch’igl è inditgà da resguardar basegns regiunals en connex cun la tscherna d’in(a) reverenda.
4. La suprastanza examinescha il profil per la persuna tschertgada ed al formulescha.
5. Sboz d’in inserat. L’actuar dal Cussegl da baselgia è gugent pront da leger criticamain l’inserat e da dar cussegls, avant che quel vegn publitgà. L’inserat po vegnir publitgà en la pressa, mabain er sin la website da la baselgia chantunala.
6. Tut ils interessents che n’èn betg sinodals, duain vegnir examinads da l’actuar dal Cussegl da baselgia sch’els pon vegnir elegids en nossa baselgia chantunala. Las actas da las candidatas e dals candidats che vegnan en dumonda èsi perquai d’inoltrar a l’actuar dal Cussegl da baselgia, avant ch’i dat discurs cun ils interessents. I valan ils criteris dals regulativs 910 e 911.
7. Tar candidaturas da reverendas ordinad(a)s a l’ester decida il Cussegl da baselgia davart las cundiziuns. En la pli gronda part dals cas èsi da far in examen suplementar che cumpiglia er in praticum pastoral da quatter emnas en il Grischun.

L'actuar dal Cussegl da baselgia è gugent pront da declerar ad interessents senza l'elegibilitad tras il concordat, qualas cundiziuns ch'els han d'emplenir, avant ch'els pon vegnir impiegads provisoricamain.

8. Tar mintga candidatura tutgan adressas da referenza. Il Cussegl da baselgia recumonda da dumandar en mintga cas dapli che ina referenza. En incumbensa d'ina suprastanza u d'ina cumissiun per eleger in reverenda po l'actuar dal Cussegl da baselgia dumandar er referenzas da la baselgia d'origin.
9. In(a) reverenda elegibel che n'è betg sinodal, sto vegnir impiegà(da) provisoricamain, enfin ch'el(la) vegn recepì(da) en la sinoda. Cumenzar cun la lavur pon quels be cun in permess en scrit dal Cussegl da baselgia. Per ch'i dettia il permess sto il contract da provisiun resp. d'engaschament vegnir inoltrà al Cussegl da baselgia.
10. Ina elecziun tras la radunanza generala vala adina be sut la resalva da la recepziun en la sinoda.
11. Suentar la recepziun en la sinoda dumonda la suprastanza da la raspada il Cussegl da baselgia da confermar l'elecziun. Il Cussegl da baselgia sutscriva la conferma, cur ch'igl è avant maun en scrit il contract da lavur definitiv. Cur che la conferma da l'elecziun è sutscritta da la plaiv, dal resp. da la reverenda e dal Cussegl da baselgia, è l'engaschament definitiv.
12. L'installaziun capita suenter la recepziun en la sinoda tras il preses colloquial resp. la presidenta colloquiala u in remplazzant.

11. Giubileums

Las suprastanzas dals colloquis e da las raspadas pon communitgar en il protocol colloquial giubileums da servetsch d'impiegad(a)s ecclesiastic(a)s e da collavuratur(a)s voluntar(a)s. Sco giubileums da servetsch van 20, 25 u 30 onns da servetsch.

Questas communicaziuns pon vegnir agiuntas al protocol u er vegnir communitgadas separadamain ed en scrit a l'actuar dal Cussegl da baselgia: Kurt Bosshard, Loëstrasse 60, 7000 Cuir. Giubilars e giubilaras survegnan sper la renconuschienscha da la plaiv u dal colloqui ina charta d'engraziament dal Cussegl da baselgia.

Tgi che ha lavurà dapli che 20 onns per ina plaiv e dat ussa si sia activitad, po er vegnir communitgà. El(la) survegn in document.

Igl è indispensabel, che las communicaziuns al Cussegl da baselgia davart giubileums cuntengan ils nums entirs e l'adressa precisa. Plinavant sto vegnir notada la funcziun ed ils onns precis dal servetsch. Be il num en il protocol dal colloqui, per mail u per telefon na basta betg.

12. Spediziun dals protocols colloquials

Nus essan cuntents, sche Vus tramettais ils protocols en furma electronica (sche pussibel sco: word) pli svelt pussibel a: (ruediger.doels@gr-ref.ch), per che nus possian

cumenzar cun l'evaluaziun. Moziuns e decisiuns p.pl. marcar visiblamain.

Ils protocols sin palpieri e suttascrits èsi da trametter enfin ils 30 da settember 2013 a:

Evangelisch-reformierte Landeskirche Graubünden

Pfr. Kurt Bosshard

Loëstrasse 60

7000 Chur

Preavis: Ils protocols dals colloquis da primavaira 2014 èsi d'inoltrar enfin ils **15 d'avrigl 2014**.

13. Colloquis d'atun 2013

| | | |
|---------------|--|-------------|
| Colloqui I | Sur igl Uaul | 11 da sett. |
| Colloqui II | Schons-Avers-Val Rain-Mesauc | 11 da sett. |
| Colloqui III | Sut igl Uaul | 18 da sett. |
| Colloqui IV | Cuira | 24 da sett. |
| Colloqui V | Signuradi-Tschintg vitgs | 4 da sett. |
| Colloqui VI | Scanvetg - Churwalden | 11 da sett. |
| Colloqui VII | Engiadin'Ota - Bregaglia - Poschiavo - Sursés | 4 da sett. |
| Colloqui VIII | Engiadina Bassa - Val Müstair | 28 d'avust |
| Colloqui IX | Partenz | 18 da sett. |
| Colloqui X | Tavau - Alvra | 4 da sett. |

14. Sessiuns dal Cussegl grond evangelic 2013/2014

Mesemna 13-11-2013 di entir edifizis dal cussegl grond

Mesemna 4-6-2014 suentermezdi edifizis dal cussegl grond

Mesemna 12-11-2014 di entir edifizis dal cussegl grond

15. Sesidas dal Cussegl da baselgia 2013/2014

Il Cussegl da baselgia fa mintga mais ina sesida. Giavischs al Cussegl da baselgia duain vegnir communitgads almain trais emnas avant il termin correspondent a l'administraziun.

Termins da las sesidas 2013: 22 d'avust / 19 da settember / 24 d'october / 21 da november / 12 da december

Termins da las sesidas 2014: 23 da schaner / 20 da favrer / 20 da mars / 10 d'avrigl / 15 da matg / 19 da zercladur / 10 da fanadur / 21 d'avust / 18 da settember / 23 d'october / 20 da november / 11 da december

16. Termins dals colloquis da primavaira 2014

Nus supplitgain ils actuars e las actuaras da notar en il protocol ils termins dals colloquis da primavaira 2014.

Cuira, fanadur 2013

Cussegl da la Baselia evangelica

Andreas Thöny
president

Kurt Bosshard
actuar

Version 26.06.2013